

**ASSOCIAZIUN
PER SERENAR L'AUA PIARSA**

**ASA SABLUN
RUEUN**

STATUT D'ORGANISAZIUN

Vischnauncas dad Andiast, Rueun, Siat e Vuorz

Rueun, el mars 1998

STATUT D'ORGANISAZIUN

dall'Associaziun per serenar l'aua piarsa ASA Sablun Rueun (ASA Sablun)

I. Determinaziuns generalas

- Art. 1 Num e sedia
- Art. 2 Intent
- Art. 3 Commembranza
- Art. 4 Extrada
- Art. 5 Protocol
- Art. 6 Infurmaziun
- Art. 7 Indicaziun dalla funcziun

II. Organisaziun dall'ASA Sablun

Art. 8 Organs

a) Las vischnauncas collgiadas

- Art. 9 Cumpetenza
- Art. 10 Votaziuns ed elecziuns
- Art. 11 Iniziativa
- Art. 12 Referendum facultativ

b) La cumissiun da delegai

- Art. 13 Cumposiziun dalla cumissiun, constituziun, indemnisiaciun
- Art. 14 Cumpetenzas
- Art. 15 Radunonza da delegai
- Art. 16 Cumpetenza da decider
- Art. 17 Dretg da votar, conclus, reponderaziun
- Art. 18 Pli qualificau

c) La direcziun dil menaschi

- Art. 19 Cumposiziun
- Art. 20 Pensums e cumpetenzas
- Art. 21 Sesida
- Art. 22 Dretg da sutascriver

d) La cumissiun da gestiun

- Art. 23 Cummissiun da gestiun
- Art. 24 Pensum e cumpetenzas

III. Erecziun e menaschi dils stabiliments

- Art. 25 Stabiliments communabels
- Art. 26 Stabiliments dallas vischnauncas

IV. Menaschi dils stabiliments

a) En general

- Art. 27 Menaschi e manteniment
- Art. 28 Sistem da flottar

Art. 29 Singuls sistems
Art. 30 Adattar ils stabilitments
Art. 31 Directivas, reglement
Art. 32 Lubientscha da colligiar

b) Dretgs ed obligaziuns dallas vischnauncas

Art. 33 Obligaziuns da menaschi
Art. 34 Dretg da controlla
Art. 35 Obligaziun da controlla
Art. 36 Obligaziun d'annunziar
Art. 37 Responsabludad

V. Finanzas

a) En general

Art. 38 Mieds necessaris
Art. 39 Contabilitad dalla facultad
Art. 40 Expensas

b) Cuosts da construcziun communabels

Art. 41 Renovaziuns ed amplificaziuns

c) Cuosts da menaschi communabels

Art. 42 Cuosts da menaschi
Art. 43 Repartiziun dils cuosts

d) Preventiv, quen e pagaments aconto

Art. 44 Preventiv
Art. 45 Quen da menaschi, rapport annual
Art. 46 Pagament aconto

e) Contribuziuns e taxas da privats

Art. 47 Contribuziuns e taxas

f) Responsabludad per ils stabilitments communabels

Art. 48 Responsabludad

VI. Determinaziuns finalas

Art. 49 Recuors
Art. 50 Plogn administrativ
Art. 51 Vigur
Art. 52 Revisiun
Art. 53 Dissoluziun

I. Determinaziuns generalas

Art. 1

Las vischnauncas dad Andiast, Rueun, Siat e Vuorz ein s'associadas sut il num „Associaziun per serenar l'aua piarsa ASA Sablun Rueun“ (ASA Sablun) ad in'associaziun giuridica dil maun public tenor artechel 53 e suandonts dil dretg cantunal da vischnauncas.

Num e sedia

L'ASA Sablun ha ina atgna personalitat giuridica e sia existenza ei buca limitada.

La sedia dall'ASA Sablun sesanfla a Rueun.

Art. 2

L'ASA Sablun ha igl intent da rimnar e da serenar las auas piarsas che sedattan ord il territori dallas vischnauncas colligiadas. Per quei intent meina e mantegn ella in stabiliment da serenar auás piarsas cun ils conducts d'affluenza ed ils indrezs accessorics necessaris.

Intent

L'ASA Sablun sa midar ed engrondir ils stabiliments. Ella sa plinavon era surprender ulteriuras incaricas dil schurmetg digl ambient en connex cun la serenaziun dallas auas piarsas.

Art. 3

Commembers dall'ASA Sablun ein las vischnauncas politicas dad Andiast, Rueun, Siat e Vuorz.

Commembranza

Per saver ademplir siu intent sa l'ASA Sablun serrar contracts cun outras vischnauncas ni associaziuns e personas privatas.

Art. 4

Ina vischnaunca colligiada sa extrar sil pli baul 15 onns suenter l'entrada en vigur da quest statut d'organisaziun. Il termin da visada munta a dus onns. La visada sto vegnir inoltrada sin la fin d'in onn calendaric.

Extrada

La vischnaunca che banduna l'ASA Sablun ha negin dretg sin la facultad da tala e sa era buca pretender ina restituziun da sias prestaziuns.

La responsabladad dalla vischnaunca che banduna l'ASA Sablun cuozza vinavon, ton per las obligaziuns enviers tala sco era per obligaziuns dall'ASA Sablun enviers auters.

Caschuna l'extrada d'ina vischnaunca in disavantatg cumprovabel all'ASA Sablun

sto la vischnaunca che banduna l'ASA Sablun prestar in'indemnisaziun corrispudenta a tala.

Art. 5

Las tractandas dalla radunonza da delegai e dallas sesidas dalla direcziun dil menaschi vegnan protocoladas. Il protocol duei sil pli pauc dar sclariment sur da propostas, decisiuns e resultads d'elecziuns. Ils protocols ston vegnir signai dil protocolist e su ttamess agl organ corrispudent a caschun dalla proxima sesida per l'approbaziun. Protocol

Dils protocols dall'ASA Sablun sa mintga persuna cun dretg da votar dallas vischnauncas colligiadas prender investa, aschilunsch che negins dretgs da tiarzas persunas scamondan quei e sch'il petent sa far valer agens interess ch'ein digns da vegnir schurmegiai.

Alla pretensiun d'astgar prender investa els protocols sa ei era vegnir dau suatientscha cun surdar in extract da protocol.

Art. 6

Infurmaziuns e communicaziuns dall'ASA Sablun ston vegnir publicadas egl organ ufficial dallas vischnauncas ed annunziadas en scret allas vischnauncas. Infurmaziun

Ils delegai dallas vischnauncas infurmeschan silmeins ina gada per onn la suprastanza da lur vischnaunca sur dalla lavur dall'ASA Sablun.

Art. 7

Las indicaziuns dalla funcziun cuntenidas en quest statut valan aschibein per dunnasco era per umens. Indicaziun
dalla funcziun

II. Organisaziun dall'ASA Sablun

Art. 8

Ils organs ordinaris dalla ASA Sablun ein:

Organs

- a) las vischnauncas colligiadas
- b) la cumissiun da delegai
- c) la direcziun dil menaschi
- d) la cumissiun da gestiun

a) Las vischnauncas colligiadas

Art. 9

La totalitat dallas vischnauncas colligiadas ei il suprem organ dall'ASA Sablun. Ad ella cumpettan en principal:

Cumpetenza

- a) la revisiun dil statut d'organisaziun;
- b) la decisiun sur da propostas e fatschentas, las qualas vegnan sutamessas dalla cumissiun da delegai allas vischnauncas per l'approbaziun;
- c) la decisiun sur da conclus tenor art. 18, encunter ils quals igl ei vegniu priu il referendum;
- d) la dissoluziun dall'ASA Sablun.

Ils conclus ein valeivels sche la pluralitat dallas vuschs valeivlas e la pluralitat dallas vischnauncas approbeschan els. Per la revisiun dil statut d'organisaziun en connex cun igl intent dall'ASA Sablun sco era per la dissoluziun dall'ASA Sablun ei il consentiment da tut las vischnauncas necessaris.

Art. 10

Votaziuns ed elecziuns vegnan menadas atras entras las vischnauncas. La direcziun dil menaschi fixescha in termin da treis meins enteifer il qual las votaziuns ed elecziuns ston vegnir menadas atras en las vischnauncas.

Votaziuns e
elecziuns

Las suprastonzas communalas meinan atras las votaziuns ed elecziuns ed annunzian ils resultads all'ASA Sablun en scret en fuorma d'in protocol enteifer dus gis.

Las prescripcziuns dallas singulas vischnauncas per votaziuns ed elecziuns communalas valan era per votaziuns ed elecziuns dall'ASA Sablun. Subsidiar ei la lescha cantunala davart il diever dils dretgs politics valeivla.

Art. 11

Sin via d'ina iniziativa san:

Iniziativa

- a) la suprastonza communalia d'ina vischnaunca ni
- b) sil pli pauc 100 votants dallas vischnauncas colligiadas

inoltrar alla direcziun dil menaschi ina proposta per ina fatschenta che croda en la cumpetenza dalla cumissiun da delegai ni per ina revisiun dil statut d'organisaziun.

L'iniziativa sa vegnir inoltrada en fuorma d'ina proposta ni en fuorma d'in sboz elavurau. Ella sto vegnir motivada.

La cumissiun da delegai sto sutametter la proposta enteifer 12 meins allas vischnauncas per la decisiun – aschilunsch ch'ella declara la proposta buca per

relevanta, ni sche la proposta pretenda ina revisiun parziale ni totala dil statut d'organisaziun ensem cun ina counterproposta.

Iniziativas nunvaleivlas ni talas che cuntegnan ina proposta illegala sa la cumissiun da delegai renviar cun aschuntar ina motivaziun.

Ina damonda d'iniziativa sa vegnir retratga dils emprems treis sutsignai entochen diesch gis avon la decisiun entra la cumissiun da delegai, previu ch'ei exista negin autra clausla da retratga.

Art. 12

Conclus tenor art. 18 ston vegnir sutamess enteifer 100 gis ad ina votaziun dil pievel en tut las vischnauncas associadas sch'ei vegn pretendiu enteifer 30 gis suenter la decisiun dalla cumissiun da delegai il referendum u

Referendum facultativ

- a) dalla suprastonza communal d'ina vischnaunca ni
- b) da silmeins 100 votants ord las vischnauncas colligiadas.

Conclus dalla cumissiun da delegai ch'ein sutamess al referendum facultativ ston vegnir publicai immediatamein. Els entran en vigur legala per cura ch'il termin inoltrar il referendum facultativ ei sparius.

Buca sutamess al referendum ein tut ils conclus dalla cumissiun da delegai che survargan buca la summa da frs. 100'000.—, ni per decisiuns che serepetan annualmein, la summa da frs. 20'000.—.

c) La cumissiun da delegai

Art. 13

Ils 9 delegai dalla cumissiun vegnan elegi dallas vischnauncas associadas. Las vischnauncas dad Andiast, Siat e Vuorz elegian mintgina 2 com-members ed 1 suppleant. La vischnaunca da Rueun sco vischnaunca da sedia dalla serenera elegia 3 commembers ed 1 suppleant. Mintga vischnaunca fixescha sezza il cuoz dalla perioda d'uffeci.

Cumposiziun dalla cumissiun

La cumissiun da delegai seconstituescha sesezza. Ella elegia ord siu miez il president, il vicepresident ed igl actuar, ils quals fuorman la direcziun dil menaschi. Il president ed il vicepresident astgan buca esser dalla medema vischnaunca.

Constituziun

Ils commembers dalla cumissiun da delegai e lur suppleants vegnan indemnisi tenor las directivas dil reglament da spesas dalla serenera. Il reglament da spesas ei dad adattar mintga 5 onns alla carischia.

Indemnisaziun

Art. 14

La cumissiun da delegai meina las fatschentas dall'ASA Sablun. Ella ha specialmein las suandontas cumpetenzas ed incumbensas:

- a) relaschar ils reglements necessaris;
- b) approbar il quen da menschi, il rapport annual ed il preventiv;
- c) decider concernent expensas urgentas buca fixadas el preventiv che survagan la cumpetenza dalla direcziun dil menaschi sco era decider sur dad arver novs credits;
- d) decider sur dalla cumpra ni vendita da terren, serrar contracts en dretg da baghegiar, baghegiar e renovar stabiliments sco era procurar per ils mieds necessaris per quellas incumbensas;
- e) serrar contracts cun autras vischnauncas, associaziuns ni persunas privatas el senn d'artechel 3, alinea 2.
- f) decider sch'ina fatschenta sto tenor art. 9, alinea 1, lit. b vegnir presentada allas vischnauncas per la decisiun sco era far proposta allas vischnauncas partenent la revisiun dil statut d'organisaziun ni la dissoluziun dall'ASA Sablun;
- g) decider sur da tuttas fatschentas ch'ein buca expressivamein surdadas ad in' autra instanza;
- h) eleger il post da contabilitad
- i) eleger il survigilader dalla serenera ed en cass igl ulteriur persunal dall' ASA Sablun e fixar las pagas.

Art. 15

La cumissiun da delegai vegn convocada entras la direcziun dil menaschi tenor basegns ni sche duas vischnauncas associadas ni la cumissiun da gestiun giavischian ei, en scadin cass denton silmeins ina gada ad onn.

**Radunanza
da delegai**

Per regla ha la convocaziun da succeder silmeins 10 dis avon la sesida cun indicar las tractandas. En cass urgents sa quei termin vegnir reducius sin 5 gis.

La radunanza della cumissiun da delegai vegn menada entras il president ni il vicepresident.

La radunanza della cumissiun da delegai elegia dus dumbravuschs.

Las tractandas della cumissiun vegnan protocoladas. Il protocol vegn presentaus alla proxima radunanza da delegai per l'approbaziun.

Art. 16

Mintga radunonza dalla cumissiun da delegai ei habla da prender decisiuns valeivas previu ch'ella ei vegnida convocada ordinariamein.

Cumpetenza da decider

La radunonza dalla cumissiun da delegai astga decider sulettamein sur da fatschentas ch'ein vegnidas tractandadas e pregiudicadas dalla direcziun dil menaschi.

Art. 17

Il dretg da votar han ils delegai presents resp. lur suppleants ed ils commembers dalla direcziun dil menaschi.

Dretg da votar

Elecziuns e votaziuns vegnan fatgas cun maun pli sch'ei vegn buca pretendiu scrutini ord il miez dils delegai. Mintga commember dalla cumissiun ei obligaus da votar. Per la decisiun drova ei il consentiment dalla majoritad dallas vuschs valeivas. Tier elecziuns vala en ina secunda votaziun il pli relativ.

Conclus

Ina decisiun dalla radunonza dalla cumissiun da delegai sa da tut temps vegnir reponderada. Resalvai ein ils dretgs da tiaras persunas. Sch'ina damonda da reponderaziun vegn tschentada avon ch'in onn ei sparius naven dalla decisiun, sto ei vegnir entrau sin la damonda sche duas tiaras dils delegai pretendan ei.

Reponderaziun

Per conclus che pertuccan reglaments, cumpra e vendita da terren, dretgs da baghegiar, engrondaziun e renovaziun dils stabiliments basegna ei il pli absolut dallas vuschs valeivlas dils delegai presents.

Pli qualificau

Quels conclus ein sutamess allas prescripziuns dil referendum facultativ dallas visch-nauncas e dils votants tenor art. 12.

c) La direcziun dil menaschi**Art. 19**

Il president, il vicepresident ed igl actuar fuorman la direcziun dil menaschi. Il temps d'uffeci sedrezza tenor il cuoz dil temps d'uffeci dils delegai dalla cumissiun. Seretrai in commember dalla direcziun da menaschi avon la fin dil cuoz d'uffeci sto el vegnir remplazzaus a caschun dalla proxima radunonza da delegai entras ina elecziun da remplazzament.

Cumposiziun

Art. 20

La direcziun dil menaschi ei igl organ executoric dall'ASA Sablun ad ella cumpettan ils suandonts pensums e cumpetenzas:

Pensums e cumpetenzas

- a) preparar tut las fatschentas che ston vegnir tractadas dalla cumissiun da delegai;
- b) executir las decisiuns dalla cumissiun da delegai e relaschar las decisiuns executivas;
- c) administrar la facultad dall'ASA Sablun, far il quen annual e preparar il preventiv;
- d) redeger mintg'onn in rapport da menaschi e presentar tal alla cumissiun da delegai;
- e) far contracts da menaschi cun il persunal, survigilar tal ed elavurar direktivas da menaschi ed instrucziuns per il persunal.
- f) decider concernent expensas urgentas buc fixadas el preventiv tochen frs. 20'000.— per expensas unicas e tochen frs. 5'000.— per expensas che se-repetan;
- g) surdar incaricas e lavurs en rama dils credits lubi ni en rama dall'atgna cum-petenza finanziala;
- h) representar l'ASA Sablun avon autoritads, dertgiras e persunas privatas.
- i) incassar las contribuziuns dallas vischnauncas inclusiv las contribuziuns an-nualas da menaschi.

Art. 21

Il president convochescha la direcziun dil menaschi tenor basegns ni sche dus commembers giavisch an.

Sesida

L'invitaziun ei da surdar als commembers per regla 10 gis avon la sesida cun in-dicar las tractandas.

Il cassier ed il survigilader dalla serenera san vegnir evidai allas sesidas dalla direcziun dil menaschi.

La direcziun ei cumpetenta da decider sche dus dils commembers ein presents. Plinavon ei igl art. 17 valeivels corrispudentamein era per la direcziun dil menaschi.

Art. 22

Il president ed il vicepresident han collectiv en dus il dretg da sutascriver giuridicamein valeivlamein per l'ASA Sablun.

Dretg da
sutascriver

d) La cumissiun da gestiun**Art. 23**

La cumissiun da gestiun consista ord mintgamai in commember dessignaus dallas vischnauncas associadas. Ils commembers dalla cumissiun da gestiun astgan buca esser medemamein commembers dalla cumissiun da delegai.

Cumissiun da gestiun

Art. 24

La cumissiun da gestiun ha da controllar il quen annual dall'ASA Sablun e da mirar ch'el corrispundi cun il preventiv, il statut d'organisaziun e cun ils protocols. Ella dat rapport e fa proposta alla cumissiun da delegai per mauns dallas vischnauncas associadas.

Pensum e cumpetenzas

Mintgamai dus commembers dalla cumissiun da gestiun controlleschan alternativamein il quen annual. Il representant dalla vischnaunca, en la quala la sesida annuala da rendaques ha liug sto vegnir clamaus per la revisiun dil quen.

La cumissiun da gestiun ha il dretg da trer tier experts privats per la controlla della contabilitad.

III. Erecziun e menaschi dils stabiliments**Art. 25**

Stabiliments dall'ASA Sablun ein sulettamein ils stabiliments communabels per serenar las auas piarsas ch'ein defini aschia el plan da survesta.

Stabiliments communabels

Il plan da survesta ei ina part integrala da quest statut.

Art. 26

Tut ils stabiliments ch'ein buca defini el plan da survesta sco stabiliments communabels, ein proprietad dalla vischnaunca ni da persunas privatas che han construiu els.

Stabiliments dallas vischnauncas

La construcziun ed il manteniment dils canals da colligiaziun cun ils conducts dall'ASA Sablun ei caussa dallas vischnauncas associadas ni eventualmein da persunas privatas.

Mintga vischnaunca associada sto remetter ina garnitura da lur projects da canalisaziun all'ASA Sablun ASA Sablun Rueun. Midadas ni cumpletaziuns vid la reit da canalisaziun ston vegnir annunziadas alla cumissiun da delegai.

IV. Menaschi dils stabiliments

a) En general

Art. 27

Tut ils stabiliments dallas vischnauncas associadas ein da tgirar e mantener adequata mein.

Menaschi e manteniment

Decisivas ein las prescripziuns federalas, cantunañas e communalas e las instrucziuns da menaschi per il personal relaschadas dalla direcziun dil menaschi.

Art. 28

Las auas piarsas vegnan menadas el sistem da flottar. Las prescripziuns specialas dalla preserenaziun ein da risguardar, specialmein tier auas ord menaschis d'industria.

Sistem da flottar

Las vischnauncas procuran che las auas jastras schubras permanentas (auas da sferdentar, da sfundrada, d'uals ni da fontaunas) vegnien buca menadas en la canalisaziun, mobein che quellas sfundrien el liug ni sche ina sfundrada ei buca pusseivla vegnien deviadas directamein en dutgs e flums.

Auas da tetgs ein tenor pusseivladad medemamein da schar sfundrar ni da menar en dutgs e flums.

Art. 29

Las vischnauncas procuran che singuls sistems da serenaziun vegnien colligai cun la serenera Sablun enteifer in onn suenter ch'il baghetg ei retratgs.

Singuls sistems

En cass specials san ils uffecis cumpetents dallas vischnauncas, cun consentiment digl Uffeci per la protecziun digl ambient dil Grischun, lubir excepziuns.

Art. 30

Stabiliments existents dallas vischnauncas ni da personas privatas che corrispundan buc' allas prescripziuns generalas, ein d'adattar als stabiliments communabels sin donn e cuost dil possessur.

Adattar ils stabiliments

Art. 31

La cumissiun da delegai decretescha las directivas necessarias pil menaschi dils stabiliments communabels.

Directivas

Las vischnauncas associadas ein responsablas per lur reglaments da canalisaziun.

Reglament

Art. 32

Las lubientschas da colligar dat la suprastonza communala cumpetenta. Lubientschas per colligaziuns directas cun ils canals communabels san veginr dadas mo cun il consentiment dalla direcziun dil menaschi.

Lubientscha da colligar

b) Dretgs ed obligaziuns dallas vischnauncas**Art. 33**

Las vischnauncas associadas s'obligheschan da tener en funcziun e mantener permanentamein ils stabiliments communabels e lur reit da canalisaziun.

Obligaziuns da menaschi

Las vischnauncas associadas s'obligheschan plinavon da metter a disposiziun ils mieds necessaris per il menaschi, il manteniment e la renovaziun dils stabiliments communabels.

Art. 34

La cumissiun da delegai ei autorisada da schar examinar da tut temps ils stabiliments per las auas piarsas dallas vischnauncas associadas ed era tals da menaschis privats colligiai.

Dretg da controlla

Art. 35

Las vischnauncas associadas ein obligadas da controllar periodicamein ils stabiliments da personas privatas ch'ein colligai culs stabiliments communabels.

Obligaziun da controlla

Specialmein controlleschan ellas la preserenaziun dallas auas piarsas sebasond sin las prescripziuns corrispudentas.

Eventuals defects vid ils stabiliments communabels ni privats ein da reparar immediatamein.

Art. 36

Satisfia in stabilitment d'ina vischnaunca associada ni da personas privats buca allas prescripziuns e vegn cheutras il menaschi dils stabiliments communabels disturbance, sto la vischnaunca pertuccada orientar immediatamein la cumissiun da delegai.

Obligaziun d'annunziar

Ils cuosts per las mesiras ordinadas communablamein dalla cumissiun da delegai e dalla vischnaunca associada pertuccada per proteger ils stabiliments communabels ein d'adossar al caschunader.

Art. 37

Las vischnauncas associadas ein responsablas ina enviers l'autra per donns caschunai muort munconza da controlla ni entras tralaschar reparaturas vid ils stabilitments communabels ni privats.

Responsabladad

Il dretg da controlla dall'ASA Sablun tenor art. 34 descarga buca la vischnaunca associada da sia responsabladad.

Tiarzas persunas che donnegieschan ils stabilitments dall'ASA Sablun entras lur stabilitments ni disposiziuns ein directamein responsablas a quella ni alla vischnaunca associada tenor las prescripziuns legalas. -

V. Finanzas**a) En general****Art. 38**

Las vischnauncas associadas mettan a disposiziun all'ASA Sablun ils mieds necessaris pil menaschi, la renovaziun e la cumpletaziun dils stabilitments communabels.

Mieds necessaris

Art. 39

L'ASA Sablun meina in'atgna contabilitad. Il quen da menaschi vegn menaus dil post ch'ei elegius entras la cumssiun da delegai per quell'incarica.

Contabilitad dalla facultad

Ils cuosts che seresultan per menar la contabilitad vegnan adossai al quen da menaschi dalla serenera Sablun.

Art. 40

Las expensas dall'ASA Sablun secumponan ord ils cuosts da menaschi ed cuosts eventuais per investiziuns e cumpletaziuns dils stabilitments communabels.

Expensas

Tut ils auters cuosts per dismetter auas piarsas, en special ils cuosts da stabilitments dallas vischnauncas, canalisaziuns ed edifecis specials ein buca cuosts communabels e vegnan purtai dallas singulas vischnauncas.

Per prestaziuns dall'ASA Sablun partenent il menaschi ni il manteni ment dils stabilitments dallas singulas vischnauncas associadas vegnan ils cuosts mess a quen allas vischnauncas che han caschnunau il donn.

b) Cuosts da construcziun communabels

Art. 41

Ils cuosts per renovaziuns ni midadas da construcziun vid ils stabiliments communabels ni per amplificaziuns dils stabiliments vegnan repartgi sin las vischnauncas tenor la repartiziun dils cuosts da menaschi annuals.

Renovaziuns ed amplificaziuns

c) Cuosts da menaschi communabels

Art. 42

Sco cuosts da menaschi communabels valan tut las expensas per manteniment e menaschi dils stabiliments communabels specialmein:

Cuosts da menaschi

Las expensas per il menaschi ed il manteniment dall'ASA Sablun e da tut ils stabiliments communabels.

Cuosts da capital e tscheins d'utilisaziun.

Cuosts da persunal, administraziun, per cussegliaziuns, expertisas e cuosts giuridics.

Art. 43

Ils cuosts da menaschi communabels vegnan reparti sin las vischnauncas tenor ils habitonts ed ils habitonts equivalents.

Repartiziun

Quella clav da repartiziun vegn fixada mintga 5 onns da niev.

Tier in surpli d'aua piarsa abnormalmein tschuffa ni grondas quantitads d'aua piarsa menadas neutier en intervals sa la cumissiun da delegai pretender in supplement commensurau per quella surcarga. Per quels cuosts han las vischnauncas il dretg da regress sil vischin che ha caschunau quei surpli.

d) Preventiv, quen e pagaments aconto

Art. 44

La cumissiun da delegai fa mintg'onn in preventiv. Quel enumerescha separadamein las expensas ordinarias per menaschi e manteniment dils stabiliments communabels ed era las expensas extraordinarias per construcziuns ed investiziuns che san buca veginr adossadas al quen da menaschi.

Preventiv

La cumpart probabla dils cuosts communabels che tucca a mintga vischnaunca

associada ei d'indicar el preventiv.

Il preventiv ei da tarmetter ensemens cun il quen da menaschi digl onn precedent allas vischnauncas associadas.

Art. 45

Il quen da menaschi e la bilanza ein da far sin la fin digl onn calendaric e da surdar tochen sil pli tard igl 1. da matg digl onn suandont alla cumissiun da delegai per l'approbaziun.

Quen da menaschi

Sil medem termin elaborescha la direcziun dil ménaschi in cuort rapport dil curriu e passau egl onn da gestiun.

Rapport Annual

Quen e rapport annual ein da tarmetter a tut las vischnauncas associadas.

Art. 46

Mintga vischnaunca associada fa duront igl onn dus pagaments aconto all'ASA Sablun per che quella sappi pagar ils quens currents. L'altezia dils pagaments sedrezza tenor il preventiv.

Pagaments aconto

e) Contribuziuns e taxas da privats

Art. 47

Igl incassament da contribuziuns da proprietaris d'immobilias per la colligaziun cun la canalisaziun ed il fixar taxas da canalisaziun e serenaziun ei caussa dallas vischnauncas associadas.

Contribuziuns e taxas

f) Responsabludad per ils stabilitments communabels

Art. 48

Las vischnauncas associadas ein responsables solidaricamein per las obligaziuns ch'ellas han surpriu dall'ASA Sablun ASA Sablun tenor quest statut d'organisaziun.

Responsabludad

VI. Determinaziuns finalas

Art. 49

Decisiuns e disposiziuns dalla cumissiun da delegai san vegnir contestadas enteifer 20 gis entras recuors tier la Dertgira administrativa dil cantun Grischun.

Recuors

Art. 50

Dispetas denter l'ASA Sablun e singulas vischnauncas asso ciadas ni denter singulas vischnauncas associadas ein da presentar alla Dertgira administrativa per la decisiun sin via d'in plogen administrativ.

**Plogen
administrativ**

San las vischnauncas associadas buca secunvegnir concernent impurtontas damondas dalla dismessa communala dallas auas piarsas, ha la cumissiun da delegai da suttametter la caussa agl Uffeci per la protecziün digl ambient dil Grischun. Quel emprova da contonscher in'entelgentscha.

Art. 51

Il statut d'organisaziun passa en vigur cun l'approuvaziun entras las radunonzas communalas dallas quatter vischnauncas associadas ed entras l'approuvaziun entras la Regenza dil cantun Grischun.

Vigur

Quest statut d'organisaziun remplazza il statut d'organisaziun digl onn 1972.

Art. 52

Quest statut d'organisaziun sa da tut temps vegnir revedius parzialmein ni totalmein sin proposta dalla cumissiun da delegai ni dalla radunonza communala dad ina vischnaunca associada. La revisiun va en vigur sche la pluralitat dallas vuschs valeivlas, la pluralitat dallas vischnauncas e la Regenza dil Cantun approbeschan ella.

Revisiun

Art. 53

La dissoluziun dall'ASA Sablun sa succeder sulettamein sut la cundizion che las vischnauncas associadas garanteschien ina dismessa independenta ni ordinaria dallas auas piarsas e ch'ellas surprendien las responsabladads per las obligaziuns existentes dall'ASA Sablun.

Dissoluziun

En cass da dissoluziun dall'ASA Sablun vegn la facultad – aschilunsch che l'execuziun digl intent dall'ASA Sablun vegn buca surprisus dad in pertader da dretgs giuridics adattau – surdada entras la cumissiun da delegai ad in administratur per la liquidaziun.

Resta suenter il pagament da tut ils deivets ina facultad vegn tala
repartida sin las vischnauncas associadas conform alla repartizion dils cuosts
da menaschi.

Per la dissoluzion dall'ASA Sablun drova ei ina decisiun affirmativa dallas
radunonzas communalas da tuttas vischnauncas associadas.

Quest statut ei vegnius approbaus dallas radunonzas communalas dallas vischnauncas
associadas:

7159 Andiast, ils 8-7-1999

Il president communal:



Igl actuar:

7156 Rueun, ils 23. Juni 1999

Il president communal:



Igl actuar:

7157 Siat, ils 30.06.1999

Il president communal:




Igl actuar:


7158 Vuorz, ils 13. JULI 1999



Il president communal:



Igl actuar:



Regenza dil cantun Grischun:


Decisiun dils:

Protocol nr.



Approbau dalla Regenza tenor
conclus dils 07. MRZ. 2000 Nr. RB 360

En num dalla Regenza
Il president. Il cancelier.



Dr. P. Aliesch



Dr. C. Riesen